

明
詩
紀
事

明詩紀事

貴陽陳 田輯

庚鑑

高出 二十八首

出字孩之萊陽人萬歷戊戌進士除大名知縣改曲
周盧氏遷南戶部主事歷員外郎中出爲蘇松叅議
進副使遷河南叅政改易州道調遼東道監軍進按
察使降副使廣甯道監軍改西平堡監軍遼陽失被
逮下獄有初刪稿六卷槎亭稿二卷山中識遺稿一
卷盧隱稿六卷耶潛稿六卷拘幽集四卷

澹園集孩之盧隱稿因故爲新去俗起雅耶潛稿氣
骨高舉音詞警道譬之朗王孤桐自中天律

馬元成選集孩之登闕之章並秀靈運詠懷之撰比
響步兵
靜志居詩話孩之家本東萊不襲歷下遺派如蘋婆
果初生食之味雖近醯猶勝冬月儲藏輒同條絮
山左明詩鈔副使詩力避輒俗過於猛健若掇其菁
英自可步少陵之武參北地之席
田拔孩之初剛集擬古爲多痕蹟未化虛隱耶潛骨
勁氣沈如厲翻之鷹凡鳥當之無不披靡漁洋論詩
絕句於萬歷朝東人獨舉來禽夫子斯所謂遺玄珠
於赤水不得稱獨照之匠也

壽光道中

昏黑不辨人間語知異縣車轍深沒脛蹊徑從橫變狐穴陰
火然魚留層冰纏村犬如豹嘯雪花時一片行役那云休徒
爲居者羨方信浮生理在貴不如賤老父戒垂堂思之淚如
霰

睡心庵

茅庵結雲根其大僅容膝神光漾姑射睡穩獨抱一秋被照
螢火夜床親蟋蟀澹然至人心虛白生幽室有時夢太古清
魂隨六逸醒覺在一朝世事從此畢

感懷

少小志虛曠青雲如相待形骸本支離迫此樊籠內才器富
強資遭遇憂患大伉俪嬰世務局體成拘閤噉噉尙平生悠
悠閱朋輩煩諱痛哭書時發公正慨十年官不調煩促勤踈
拜甫壯筋骨酸撫昔齒髮快百姓類屬毛孫僑古遺愛束縛
就苛細擺落略茫昧萬山拱熊耳中流一衣帶秋濤上風雲
驚樹鳴竽籟卽妨水旱仍其又衣食柰外事督有司陰陽間
鼎鼐天意不可訴身世終焉屈饑獸匪仰秣涸鱗思湍瀨已

月錄卷二
豁往者非官情計難再降辱等糞土雅志在蟬蛻陶潛飢乞
食范公違禍害污隱有明規竊比庶夙邁

溫伯堅吳人也僑居膠東余童時見之別久矣今年至
余里相見頗喜詩以送其行

但昔初相見余時弱好弄憐君美意度逸阮猶伯仲令我心
眼開歛覺情識動談諧無不可破的爭百中那知雨散後十
五年如夢再逢山之阿傾倒申規頌我壯君則老閱世感慨
重稍喜酒健在屢乾此舍魏東南信多才譬彼石田用北遊
長兒女齊語轉被諷雪深不其館沙島夕潮凍匹馬悵何適
聊遣天風送

白龍洞

入僻不辨方遂疑非人境仙橋憑虛構龍潭轉深靚泓碧潛
無塵岸花映空影懸石絕倚著直上雲蘿頂道士久冥棲默
坐觀冥滓服氣著金色不言微有省嗟爾餐霞侶翩翩御風
冷俯睨大夢世飄轉一汎梗偶然思古初長謠擊木瘦

天界寺集分得送字

城隅開窅奧長日繁陰送竊窺幽造迷初疑在巖洞殿閣憑
危岑飛梁接丹虹古木攢藻井細雲冒虛棟竹梧刺人眼好
鳥參差弄喧寂豈二境車馬來亦衆畫欄睥睨臨綺疏日影
空梵磬午度林風旛晚不動名理妙俱析疑義時一中我獨
胡病喝在醒常若夢四大偶控搏徒爲造化弄何當解結繫
永豁無明痛

唐伯虎畫雪山歌

解元畫不落技藝匠意原從造物分請觀此幅生綃白樹木
分明氣氤氲細綴雪姿有無裏筆墨幻出天同雲沙遠似聞
鴻雁下山深必有虎豹羣橋邊著一紫衣者拄杖徐行亦瀟
灑天風瑟瑟吹鬢眉聳肩欲動臂可把或疑橫浦船卽是山
陰道蕭蕭枯木萬壑靜瓊枝惟向梅花討林風掃拂便欲舞
江山蕩滌萬里勢堂上觸冷呼酒卮寒鵲疑來棲樹枝蒼茫
獨立天涯思幾度長吟招隱詩

沈石田畫春山圖歌

昨出車中望春山指點如畫開心顏張生手攜石田畫宛在
杳靄空青間嶽嶮巖石插屋角上流雲氣濕可攀修竹挺特

倚其隈前臨曲水一兩灣此老斲法取古蕩老氣橫出姿態
上禿松半拔虬龍根流泉如聽笙簧響遊絲爛漫碍騎驢杖
頭攜酒溪有魚力倦老翁立樹下杏花幾點飄衣裾點綴穠
纖無不有蓬頭溪童眞怪醜層巒疊嶂蹊徑外咫尺恍見滄
洲走我家海上三山傍金銀樓閣日相望恨不與公同時盡
入畫圖裏羣仙出沒近在盈盈之一水

苦寒行

山川歛仄軋冰雪鳥獸無聲天地裂羣雲凍折古木泣立窟
千尺老蛟蟄空城米價劇太高無酒無褐首獨搔妻兒不言
勸歸去面赤耳熱愧汝曹

同鄭用章使君莫相忘行

吹臺鴻雁飛梁園蓬蒿雪一別星紀六落魄南北轍黃河晝
夜東北趨冬風雨土日如血相逢黯黯不得語含笑微看弄
玉玦少年肝膽若爲眞每傾意氣一沾巾醉來大叫侯嬴塚
相如枚叔爲何人昔也河朔吏豪俊驕陽春今也汴上客乾
枯如波臣君來我去一交臂愴然各灑楊朱淚魯女尙憐輶
圍葵莫謂癡人憂天墜古稱共理二千石豈是功名不如意
十年余始離民社尤從之署眞疣贅吁嗟乎男兒生不報國
死卽休大者岳牧乃分憂其細但食太倉米罄折束帶同督
郵漢庭黃金大於斗潁川渤海治最優天子虛席待長者齷
齷羞殺平津侯余則無賴陸沈耳朝多闕事狂生恥鉤陳蒼
茫千萬里狷狷虎豹寒天紀舉頭扣闥且復止丈夫嬰當猛

抽身不然礎斧生不悔眼前所見吾與爾南北遙遙彼一方
茫碭雲寒江漢長風塵千古莫相忘

冬日

落葉門恆擁頽沙岸忽崩野胡驚夜析山鬼弄寒燈灑落交
情減哀憐俠氣增匆匆天際日焉得繫長繩

金山寺

名殺蟠江腹孤峯入太空波濤生地底呼吸與天通樹暗廣
陵雨帆歸瓜步風已知身世淡鏡相有無中

冬日漫興

野樹雲深天盪摩清齋披髮影婆娑逢人忌諱詩篇減對酒
生平感慨多憂國力微中夜舞望鄉愁絕遠遊歌時時鶯栗

城頭起吹徹層冰斷雒河

荆孝廉伯鸚過訪有贈

中原傲吏倦游遨佳士過從倒布袍
忽漫風塵一歌哭居然天地兩荆高
秋雲聚散隨蹤跡落木蕭疏類鬢毛
僊骨自憐慙尹喜關門紫氣爲誰勞

觀南橋成同僚佐

不日橋成歡利涉酒杯僚佐共從容
河中澹蕩東西影天外嵯峨六七峯
返照虹霓寬迴雁驚寒濡鱗甲動魚龍
異時雪後騎驢迹好聽橫波寺裏鐘

奉寄李岷嶠中丞遼陽

鵬綠江如開府清山河肩背擁神京
句麗視漢左馮翊李廣

防胡右北平庚癸久聞征戍苦金縢不厭款夷情朝廷屈指
諸公在不許書生浪清纓

招袁比部太玉呂虞部益軒集木末亭

大高亭廠夕陽暄樹杪雲霞互吐吞江浦晚潮迴舊壘鍾陵
欲雨濕清櫓人家六代烏衣巷王氣千秋白露園紅土傷心
秋草碧荒祠何處弔忠魂

亭卽方正學祠

送別袁滄孺兄省祖還楚

苦切陳情令伯同寒江遠道授衣中秋風佳興遠袁虎盡日
清談憶阿戎

袁有子才甚

郢客曲中傳白雪鄂王城外落丹楓遙

憐夜雨聽雞起回首荒雲滿舊宮

視西莊別業

楊柳嫋嫋東風顛桃花杏葉爭可憐連朝劇睡粗省事別業
載酒初相鮮喬木高樓烏鵲喜平川斜港鷺鷥眠小娃如玉
歌勸酒休負腰肢春色前

後遊亭山園同道岸

憐春春破門未出只待桃紅鶯語時便與煙鬢添嬌媚細教
風雨費禁持水流清瀉琴心遠石湧孤垂屐齒疑此地百年
幾回醉看山一度數行詩

答吳翁晉喜晴邀七子郊遊之作

來往江南未見春春遲怯雨逗晴新朝暉故媚重重柳宿漲
初平漠漠蘋蘩履移尊行樂地輕衫寶馬快遊人追隨莫負
憐筋力解道諸公更隱真

半峯菴看玉蘭盛花

苦遭陰雨春過半
少放晴新花固多
杏藥將無婉顏色
梅香爭減關嵯峨
一雙玉樹倚微暝
十丈粉粧高欲酡
不見金羈三五並
斜陽顰眼對婆娑

贈林茂之山人

名家逸氣故翩翩
近住烏衣美少年
好事動爲詩裏畫
夙因早悟酒中禪
江山野服尋幽履
歲月空囊賣賦錢
箇懶貴人誰識面
華林秋月卧蒼煙

送劉柘山侍御按部淮陽

尋常持斧那應同
攬轡依稀想大風
時論已高千仞鳳
路人爭避五花驄
天連南國猶淮楚
地控中原是鎬豐
不用埋輪

矜意氣漢家八史未如公

看梁塘鋪後竹

冥冥三百尺掩帶秋色碧一片江南山飛來亂相射

雜曲

鄴城古道飛黃埃趙女彈箏罷徘徊似是前朝有遺恨浮雲
低暗舊叢臺

少林寺

玉殿森沈覆古藤千年聖諦識傳燈不知二秀花開落闕盡
袈裟幾代僧

五渡

產九節菖蒲

僊源圓折抱嵩流石戴菖蒲一萬秋漢主可憐僊骨少封中

只有白雲愁

湯顯祖 二十首

顯祖字義仍臨川人萬歷癸未進士除南太常博士
就遷禮部主事謫徐聞典史遷遂昌知縣有玉茗堂
文集十卷詩集十八卷

屠隆絳雪樓集義仍才高學博氣猛思沈格有似凡
而實奇調有甚新而不詭語有老蒼而不乏於姿態

有纖穠而不傷其骨

帥機陽秋館集義仍諸詩聚寶錄金譬諸瑤池之宴

無腥腐之混品珠履之門靡布褐之無雜

列朝詩集義仍嘗謂我朝文字以宋學士為宗李夢

陽至瑯琊氣力強弱鉅細不同等質文爾萬歷間瑯

琊二美同仕南都為敬美太常官屬敬美唱為公宴

詩不應又簡括獻吉于鱗元美文賦標其中用事出

處及增減漢史周詩字面流傳白下使元美知之元

美曰湯生標塗吾文異時亦富有標塗湯生者自李

王之興百有餘歲義仍當瘠瘠充塞之時穿穴其間

力為解駁歸太僕之後一人而已義仍少熟文選中
攻聲律四十以後詩變而之香山眉山文變而之南
豐臨川嘗自敘其詩三變而力弱又嘗以其文寓余
以謂其不斲其知吾之所已就而斲其知吾之所未
就也義仍之通懷嗜學不自以為能事如此
書影萬厯二十二年安南進代身金人範用囚服面
縛是年黎惟潭自以恢復放罪視莫登庸有間為立
面肅容狀驢閑嫌其倨令改範俯伏焉鐫其背曰安
南黎氏世孫黎惟潭不得蒲伏天門恭進代身金人
悔罪乞恩二十五年字湯義仍得見有詩紀之
靜志居詩話義仍填詞妙絕一時詩終率率非其所
長

柳亭詩話湯義仍有哭婁江女子詩序畧曰婁江女
子俞二娘年十七未適人酷嗜牡丹亭傳奇批注其
側幽思苦韻有痛於本詞者憤惋而終周明行中丞
言王相國嘗出家樂演此劇曰吾老年人頗為此曲
惻悵王字泰亦曰乃至俞家女子好之至死情之於
人甚矣哉詩曰畫燭搖金闥真珠泣繡窗如何傷此
曲偏只在婁江
田按義仍才氣兀傲不可一世集中五古清勁沈鬱
天然孤秀而時傷楚濫則矯枉之過也其詩云常恐
古人先乃與今人匹又云文家雖小技目中誰大手

何李色枯薄餘子定安有李何取法於杜義仍則并
杜而薄之曰少陵詩少一清字可謂因墮廢食也義
仍與袁中耶善舍七子而另闢蹊徑趣向則一但義
仍師古較有程矩向能別派孤行中耶師心自用勢
不至舍正路而入荆榛不止余論兩家之得失如此
不得一概抹殺致沒作者苦心也

陽穀田主人園中

宣遊無滯情端居有遙寄北窗何嫋嫋纖襟
閨通依微連圃遞青華猶被隴朱實已盈器南人善澆注北
叟忘機事坐仰密雲際直望靈膏墜恢恢九夏適晻晻三秋
至我行豈不永葡萄兩抽翠邱園何足論一身已如質倏見
漢陰人空傷仲長志

江樓曉望同劉司業鄒吏部

夜色明江樓月露泛涼瑟俯窺光響流仰瞰星河溢徒倚未

能寢昏旦一何疾空波滅餘霧高臺障初日惠風襟帶間冷
泠清意出

登報恩塔歸騎望塔燈同汪仲蔚

珠塔凌觚棱鍾陵看建業表裏山川盡勝寄煙雲愜江光日
氣飲世界空明攝迴聽風穴壯側看飛鳥怯下方燈欲上歸
人影相躡千枝蓮出臺四照花開葉見頂色依微開陰點層
疊燄摩如可遇佛光於此接文祖發威神彌天歸震懼匪報
佛王恩自顯天人業花宮窮勝麗孽火傳灰劫華趺暗消隱
畫牆堅巖嶮三帟禮空存四遊心苦涉裁量百年中蘭膏幾
輝燿

京察後小述

邑子久崖柴長者亦搖簸含沙吹幾度鬼彈落一箇大有拊
心嘆不淺知音和參差反舌流倏忽箕星過幸免青蠅弔厭
聽遷鶯賀賤子亦如人壯心委豪倚文章好驚俗曲度自教
作貧看繡袂舞貫踏花枝卧對人時欠伸說事偶涕唾眠睡
忽起笑宴集常肯坐敢有輕薄情祇緣迂僻過一命淹陵署
六歲逢都課浮課今已免不謹前當坐有口視三緘無心嘆
八座骨相會偏奇生辰或孤破吾心少曲折古人多頓挫脫
落慕仙才點撥希王佐咄咄竟何成冉冉誰能那

三十七

我辰建辛酉肅皇歲庚戌初生手有文清羸故多疾自脫尊
慈腹展轉太母膝鵲角書上口過目了可帙家君有明教大

父能陰陽童子諸生中俊氣萬人一弱冠精華開上路風雲
出留名佳麗城希心遊俠窟歷落在世事慷慨趨王術神州
雖大局數著亦可畢了此足高謝別有煙霞質何惜星歲遲
去此春華疾陪畿非要津奉常稍中秋幾時六百石吾生三
十七壯心若流水幽意似秋日興至期上書媒勞中閣筆常
恐古人先乃與今人匹

飛來寺泉

峽山雲氣深松栢慘蒼徑縹緲遶屏翠闌干抵一凭山僧日
影過禪房點清磬宿雨寒泉下冷然愜孤聽近音風葉灑遠
韻蒼梧應小品甘露華長流水晶瑩曹溪派陰引炎岡冰欲
凝稍動寒漿色雅與齋厨稱花木恣涓滴竹杪通餘賸經聲

法流湧趺吟峽僧定瓶鉢住空影尋常傾最勝何意熱中人
洒落飛來興

陽江道中

恩春少佳樹向北梅花夕入門問小吏知是蓮塘驛蓮葉落
已久林塘映非昔參星到庭戶素月沾簷隙促織猶在野無
衣念行役炎州少冰雪流光去無迹惟餘千里心閒房脊幽
客

從張相國桃花嶺次韻

昔聞桃花源今見桃花嶺安知出世心居然妙者靜山川動
淩厯攝應在俄頃石室搖天窗花宮注靈井心隨雲壑遠色
與江霞靚笑拍洪崖肩步駐鸞簫影逶迤黃綺事眷戀空明

景問道此何時汾陽氣方永

上巳前一日永甯寺同蒲中藍翰卿宗侯鬱儀孔陽孝

廉鄧太素

發春如有期扁舟一遊此孤生寡傳寓禪寂傍棲止何意風
雨稠坐見春華駛殿含鐘磬濕戶漬琴書委不言良已深覘
蹊遲桃李同聲百年內朱門二三子零落在茲辰留連及芳
齒念往夕無寐欣來動有以交新謝輪鞅道舊延簪履松門
留一晤海客談千里未覺風雅頽仁蹕衣裳起高花動寒色
木蘭漾清美開軒邈誰似遠道嗟何已物感陰晴候人疑盛
衰理龍沙往猶帶簫峯上難擬且就聲聞醉將妨語言綺乘
蘭希茂樹泛羽慳流水所幸無俗情吳謳稍清耳蕭條隨出

終局促非願始上巳卽晨遊明湖恣清泚

送前宜春理徐茂梧

西湖徐君美如此眇眇東來渡江水微颺木葉江波生皓露
芙蓉秋色死秋色連山客早悲倍憶離鴻江月時舊郡鈴陽
醉鄉柳動道宜春春不宜豫章城西江水滿片雨疏花石蘭
館獻賦誰知錦組文題書直道珠盈椀一別蒼洲問白雲金
臺暑路忽逢君祇合飛窻填北海那堪解幄出南薰芳皋翠
厖辭青瑣及子風流渡江左孤亭水樹別留人別道煙霞須
著我我邊知我若逢君卿處相卿自有人無事南湖催送槩
扁舟小婦好隨身莫嫌小婦恒隨從茗椀香鑪朝夕供風雨
離騷秋暮行荃蘭墨妙連舟重去去西湖簫鼓陳香絲豔粉

逐年新不惜風流頻取醉君來看見六朝人

觀趙郭里小圖爲汾源郎中作

太原渡江入西越盡寫家山向雲闕去年卧閣披此圖展轉
繽紛意難歇心知不是桃源路直是玲瓏杏花發野客留連
芳樹陰闌人候望新橋月河橋月出樹陰開楊柳灣西映淺
苔漁歌暝泛橫潭竹牧笛春殘半樹梅梅花隱隱雪霏霏西
翠樓邊敗竹扉蚤覺煙綃動立勝況乃卜築臨清暉清暉古
寺寒鐘影經薰半出西南嶺粗知到漣近禮床卻笑潘安長
騎省君家上世每逢僊賣藥藏書此洞天蚤晚過遊蕁市里
春秋得上斜林阡君不見語兒溪邊女兒語越國夫人越溪
女又不見石門帳殿起烽煙中洲一地小如錢何似洛川諸

父老長年如畫太平年

送華楚客歸夷陵

聞君有期契千里暮能過草綠朝雲宅花深明月花春聲逐
棹遠江色漾帆多別有唳鳥夜殘琴清怨和

龍潭高閣

罽樹紅無地巖檐綠有江蝶花低雨檻臨竹亂秋窗楚瀝杯
誰個吳歌榜欲雙崩騰過雲影迢迢片心降

秋夜入廣別帥郎

江潭殊自嘆搖落未經知昨夜秋風起相逢憔悴時園林阻
芳色河漢渺佳期起視浮雲氣蒼梧不可思

出朱明觀

羅浮觀日罷出谷晚蒼涼壑去懸流寂峯過倒影長美雲隨
望盡仙草逐行香消息梅花月歸舟興不忘

信陵君飲酒近婦人

魏國乃爲累萬古悲公子世上無神僊英雄如是死

七夕醉答君東

玉茗堂開春翠屏新詞傳唱牡丹亭傷心拍遍無人會自招
檀痕教小伶

題東光驛壁是劉侍御臺絕命處

哀劉泣玉太淋漓棋後何須更說棋聞道遼陽生竄日無人
敢作送行詩

列朝詩集先是過客題詩哀劉侍御者徧滿驛壁義
仍書此詩後人遂絕筆瞿元立爲余誦之與今集本

互異

胡姬抄騎過通渭

渭南兵火照城山十八盤西探馬還似倚燕支好顏色秋風
欲向妙娥關

恩州午火

逐客恩州一飯沾伏波盤筍見纖纖炎風不遣春銷盡二月
桃花絳雪鹽

明詩紀事

貴陽陳田輯

庚籤

徐燭二十首

燭字惟和閩人萬厯戊子舉人有幔亭集十五卷

四庫總目燭負才淹蹇肆力詩歌大抵圭臬唐人而不為割裂便便之習明季詩道尤雜如燭者亦可謂蟬蛻破濁矣

小草齋詩話徐惟和才情聲調足伯仲高季迪所徵

殿者古體稍不及耳西樓集惟和詩傳於境而麗於情諧於調而驚於采

出入六代之季而始終唐三百年之間句不累篇篇不累格假之以年吾未知其所稅駕矣

張獻翼文起堂集惟和調匪偏長體必兼善力追古則盡徐惟和才情藻麗為晉安巨擘

露書徐惟和才情藻麗為晉安巨擘靜志居詩話惟和力以唐人為主臬七絕原本王江

甯聲諧調暢情至之語誦之蕩氣迴腸
助詩別裁惟和近體宗法唐人在詩道尤雜時遇之
如沙磧中得簡珠也七言絕尤能作情至之語在李
庶子鄭都官之閒
抗世駿榕城詩話有明選輯閩詩者閩縣鄧汝高原
岳撰閩詩正聲懷安陳仲聲元珂撰三山詩選閩縣
徐惟和燭撰晉安風雅十二卷自洪永迄萬厯總二
百六十餘人序謂不論窮通顯晦皆因詩采拾至於
野狐外道格律稍畔者雖有梁寶之權不敢濫廁片
語爲雅道蟲賊
明三十家詩選惟和七律安雅合節無七子浮響
山按惟和才思婉麗五言近體取法唐人工於發端
婉轉關生有一氣不斷之妙惟和自題小像詩云五
字吟成心獨苦不知身後得傳無可謂甘苦自得之
言詩綜未錄五律一篇豈未見幔亭全集耶

春日閒居

草閣春方暮
櫻陰日未斜
蝸涎分斷壁
鶯語共鄰家
山陽藏
修竹輕雲覆
落花卑栖有
至性長此卧
煙霞

暮春送周喬卿

忽驚春已去況復送君歸別意有如此前途花正飛蟬聲風外急山色雨中微後夜看明月相思獨掩扉

贈性言上人

南朝四百寺師在幾招提法以蓮花悟詩將貝葉題遊蹤閩海曲歸興秣陵西相見卽相別秋風惜解攜

碧山菴逢亮上人

清溪帶遠山曲徑入松關客以參禪至僧當乞食還一瓢秋色澹孤磬夕陽閒別去仍回首禪房雲氣間

喝水岩贈瓢菴頭陀

何年此卓錫鐘磬度昏朝瀑水引歸鉢茅菴結似瓢躡雲雙

草屐坐月一團焦隔寺有禪侶相尋不憚遙

題鄧吏部墓

西郭塚纍纍經過下馬誰先生一抔土詞客百年悲藤護將
崩石苔封未斷碑應知靈爽在歎我不同時

送瀚上人遊越

師行無定蹤此去路千重投宿月中寺經過雪裏峯閒身臨
水衲禪意隔潮鐘明歲西湖上相尋九里松

三茅觀尋許靈長不遇

山色翠氤氲松關閉白雲禮星孤磬發受繇妙香焚夜靜天
花落秋高木葉聞無由尋許椽長揖問茅君

贈陳道源參軍

冷曹堪傲性大雅見遺音
衙只聽鶯放山多信馬尋
一官同鮑照五字比陳琳
俸薄難供客時捐賣賦金

題陳幼孺招隱樓

叢桂許誰攀經年不閉關
池平吞月淺林靜受雲閒
草色春愁外禽聲午夢間
開窗嵐翠滿疑對八公山

潞河別曹能始

悲歌燕市筑歸興潞河船
作客有何意還山仍種田
窮蹇投散木飢鶻倦遙天
以我空囊故憐君捐俸錢

送妓入道

愁把芳年老狹斜欲尋鉛
汞洗鉛華西園公子求遺
珮南嶽夫人贈紫霞
翠袖正宜過碧海朱顏偏
可餌丹砂玉笙已奏

仙家樂不同江心抱琵琶

送歐陽霖仲歸鄉

梁嶽書成淚未乾天涯流落畏途難
杵投已信曾參誤袍贈誰憐
范叔寒逆旅相逢愁咄咄故鄉歸去路漫漫
布衣正好彈長鉞何必逢人變鵝冠

與吳元翰話舊

久客還家歎敝裘對君猶自起離愁
數莖白髮尊前淚九曲青山夢裏遊
松徑夕陽秋繫馬竹房疏雨午啼鳩
明朝又作匆匆別目斷西風獨倚樓

秋日訪徐茂吳司理

青鬃投簪二十年菟裘高築虎林偏
胸吞雲夢全無楚屋貯

華陽小有天楊柳影侵遊寺屐竹枝歌送泛湖船錢塘江上
潮如馬定賦觀濤第幾篇

約陳伯孺仁王寺結夏效長慶體

詩寄灣西老友看今年結夏擇香壇約緇蓮藏日三卷願飽
花齋午一餐經月應酬拋竹素暫時功課借蒲團更貪兩物
堪消暑栳栳陰濃荔子丹

金陵故宮

先朝遺殿閉塵埃零落空勞過客哀五夜銅壺乾罷滴六宮
金鎖澀難開翠華逝後全無迹羅綺焚餘自有灰弓劍盡埋
煙雨冷椒房一半上莓苔

明詩別裁閱五六知當時初無遜國之事蓋帝與后
同在灰燼中也史氏致身錄之誣神廟時人俱能信

之得錢牧齋諸人之辯益明

吳宮怨

高臺日日翠華臨何事顰眉更捧心本是苙羅山下女吳中
恩淺越中深

桃葉渡訪張幼于

淮水東邊楊柳新白頭猶醉曲中春尊前試看紅粧女誰是
當年勸酒人

寄弟

春風送客翻愁客客路逢春不當春寄語鶯聲休便老天涯
猶有未歸人

徐燭

十三首

勣字惟起一字興公勣弟有鼐集二十六卷

朱謀瑋枳園集興公著作作纔一脫草橫行海內
書徐興公信手皆詩一日可得二三十首故曹能
始和其春日閒居詩云詩無宿債輕酬客筆不停耕
可當農
列朝詩集興公博學工文善草隸書萬厯間與曹能
始狎主閩中詞盟後進皆稱興公詩派
香泉偶贅徐勣詩未春豫借看花騎欲雨先徵種樹
書足稱雅致
靜志居詩話嚴儀卿論詩謂詩有別才非關學也其
言似是而實非不學牆面焉能作詩自公安竟陵派
行空疏者得以藉口果爾則少陵何苦讀書破萬卷
乎興公藏書甚富近已散佚予嘗見其遺籍大半點
墨施鉛或題其端或跋其尾好學若是故其詩典雅
清穩屏去矜浮淺俚之習與惟和足稱二難
田按興公七言可肩隨惟和五言近體微少變化應
推乃兄獨步

棲霞寺

攝山高不極寺裏翠微生法侶元稱顓徵君舊姓朋巖飛千

佛影鐘咽六朝聲拂拭陳江總殘碑卧化城

送湛然禪師還雲門

松枝東向久歸掃寺門秋舊院堪容足甯須買沃州泉流孤
澗寂雲閉上方幽禪理何因熟先師帛道猷

旅次石頭岸

秣陵城外暫停橈無那離心萬里遙極浦蒹葭秋漠漠隔淮
煙雨夜蕭蕭大江疊浪浮孤塔建業千峯弔六朝商女後庭
花一曲歌聲哀怨旅魂消

送康元龍之靈武

賀蘭山下戰塵收君去征途正值秋落日故關秦上郡斷煙
殘壘漢靈州胡兒射獵經河北壯士吹笳怨隴頭城窟莫教

頻飲馬水聲嗚咽動鄉愁

會稽懷古

獨上高城問廢興萬家鱗次暮煙凝斷碑碧蘚曹娥廟古木
蒼山夏禹陵剡雪霏微迴客棹樵風來往送漁燈越王霸業
長消歇極目荒臺感慨增

韓文公祠

半畝芳祠奠海濱祠前香火鬱氤氲一封佛骨批鱗疏千古
蠻方徒鱷文碑蘚綠生荒服雨廟花紅染惡溪雲不堪回首
元和事陵樹無枝野鳥聞

蘇長公祠

學士遺居寄惠陽繡山與樹鬱蒼蒼一身去國投荒服數口

移家老瘴鄉洗墨尙留池水墨焚香時薦野蕉黃峯頭白鶴
歸來晚彷彿精靈下渺茫

閒居

竹滿檐楹草滿除青山應屬野人居未春預借看花騎欲雨
先徵種樹書石鼎香酣吟懶後瓦鐺茶熟夢迴初半生消受
清閒福一任人喚禮法疏

陳宮

秦淮迢遞水煙涵鐵甕孤城鎖夕嵐莫笑庭花易亡國居人
又聽望江南

仙河嶺酒家逢歌者王瑛

歌舞場中獨擅名壘頭相見不勝情馬蹏何事催人急腸斷

陽關第四聲

宋丞相吳潛墓

一抔黃土傍精藍，莫歎孤臣葬嶺南。
秋壑更無埋骨處，鬼車嗟出木棉菴。

題陸羽烹茶圖

魚眼波騰活水紅，鬢絲輕颺煮茶風。
紗巾短褐無人識，此是茗溪桑苧翁。

宋徽宗墨蘭圖

嫩蕊疏花寫澤蘭，宣和御墨半凋殘。
國香莫道蕭條甚，北地風霜不耐寒。

筆精宋徽宗繪畫題詠者多含譏刺元成廷珪題白頭翁圖云梔子紅時人正愁故宮衰草不勝秋西風

吹落青城月。嘯得山禽也。白頭國初高。季迪題畫眉。
 百合圖云。百合無殘六。合塵汴京號鳥怨。無人不知。
 風雪龍沙地。還有圖中此。樣春又題宣和畫云。御翰。
 親題賞畫工。疏枝野鳥怨。秋風那知回首。宜和殿物。
 包淩涼與畫同。張來儀題桂枝圖云。玉色官瓶出內。
 家天香濃浸月中。葩六宮總愛新涼好。不道金風捲。
 翠華夏忠靖題墨竹云。寶殿無心論。治安碧窗著意。
 寫琅玕枝葉真。蕭灑爭耐。金人不愛看。王元美。
 題馬圖云。天間萬馬盡。雄奇寫山丹。青意自悲長白。
 山頭三萬匹。可憐龍種一。雄嘶康與之。題花鳥云。玉。
 龍宸遊事已空。尙餘奎藻繪。春風年年花鳥無。窮恨。
 盡在蒼梧夕。照中項忠題鵲圖云。五國城邊拖淚。
 時沐梁宮闕了無遺。爭如鵲知春意。猶占東風第。
 一技楊森題草書云。良岳清風玉馬涼。閒將心事學。
 鍾王當時肯草平。胡詔不使余人到。大梁呂困題鵲。
 鵲圖云。御墨淋漓玉數枝。畫圖瀟灑使人悲。春風鵲。
 鵲洲江景不似龍沙夜。雪時余題秋江獨釣圖云。鏡。
 水無波釣艇閒。人間治亂豈相關。金風忽動黃沙暗。
 不見中原萬歲山。又題墨蘭圖云云。

明詩紀事

貴陽陳田輯

庚籤

程嘉燧 三十二首

嘉燧字孟陽休甯人僑寓嘉定有松圓浪淘集十八

卷偈菴集二卷耦耕堂集五卷

唐時升三易集孟陽才力雄豪跌宕沈鬱頓挫足以

追配作者而哀樂所發長句短章必合於法度

其堅學古緒言孟陽上自漢魏下逮北宋諸作者靡

不窮其所詣至蘇長公往往或敬其體或次其韻若

將與之並駕者比壯且衰其為七言近體以清切深

穩為主蓋得之劉隨州為多

列朝詩集孟陽詩以唐人為宗熟精李杜二家深悟

剽賊比擬之繆七言今體約而之隨州七言古體放

而之眉山此其大畧也晚年學益進識益高盡覽中

州遺山道園及國朝青田海叟西涯之詩老眼無花

照見古人心髓於汗青漫漶丹粉凋殘爲之挾搥其所繇來發明其所以合轍古人而迴別於近代之俗學者於是李王之雲霧盡掃後生之心眼一開其功於斯道甚大而世或求之知也余故援中州集之例諡之曰松圓詩老孟陽善畫山水兼工寫生酒闌歌罷興酣落筆尺牘便面筆墨飛動無聲詩史孟陽與李長蘅爲詩畫友寫山水宗王叔明倪雲林

王士禎蠶尾續文孟陽七言絕句出入於夢得牧之義山之問不名一家時諳妙境歌行刻畫東坡如桓元子似劉越石無所不賦漁洋詩話明末七言律詩有兩派一爲陳大樽一爲程松圓大樽遠宗李東川王右丞近學大復松圓學劉文房韓君平又時染指陸務觀此大畧也松圓警句如瓜步江空微有樹秣陵天遠不宜秋梅柳燭燼西窗雨雪江香濃小閣雲古寺正如昏壁畫層湖都作水田衣夢裏楚江昏似墨盡中湖南白於絲遠雁如塵飛水面亂疑葉下吳頭迴羣凍雨皆成雪出霧危巒半是雲多年華鬢絲相似三月春愁水不風急虹影消來白日過城上雪聲遊子屐縣南風色酒人家嶽寺夜眠春澗雨浦樓寒醉雪山風皆不愧

古作者

靜志居詩話孟陽格調卑卑才庸氣弱近體多於古
風七律多於五律如此伎倆令三家村夫子誦百翻
兔園冊即優爲之奚必讀書破萬卷乎牧齋錢氏深
懲何李王李流派乃於明三百年中特尊之爲詩老
六朝人誦云欲持荷作柱荷弱不勝梁欲持荷作鏡
荷暗本無光得母類是
明詩別裁孟陽詩亦娟秀少塵自錢牧齋警李何
王李諸人推孟陽爲一代宗主幾與高季迪李賓之
前後相埒矣而陽美邵子湘有心矯柱摘其累句謂
其穢褻俚俗幾於身無完膚矣孟陽自有真詩勿因
牧齋之過許而毛舉其疵以掩之也
明三十家詩選虞山選明詩伐異黨同紕繆百出惟
推重孟陽一事未可厚非孟陽近體秀逸瀏亮宗範
隨州丁卯不失爲名家朱竹垞謂孟陽格調卑卑才
庸氣弱邵子湘摘其累句謂爲穢褻俚俗沈歸愚謂
其纖詞浮語僅比於陳仲醇是皆因虞山毀譽失實
遷怒孟陽過事醜詆懲羹吹齏徒取快一時何以昭
信千古哉
田按孟陽詩清麗溫婉誦之令人意消在萬天間可
自成一派

墊巾樓中宋比玉對雪鼓琴余戲作圖便面漫題時過
婁江因訂後期

閨客不見雪流霰在鳴琴茲晨何飄瞥快作崩山音七絃正
凝結萬象回幽陰南思九仙遠北望三湘深江水縈後期春
氣動前林毋令招隱曲荒塗空古今

鮑甥至夜話明發過揚州輒示

昔別今幾時離憂那可說江月三十圓頗毛千丈雪偶然瓊
樹枝來值芳菲節況挹吾宗秀高談寸心折盤中水鄉味衣
上吳洲月去去欲何言然燈念明發

時與宗人巖軒偕行

雪坡道人畫歌

君家虎頭將軍號癡絕近有倪迂前米顛冷謙張翬亦狂怪

神妙無過郭恕先當時富兒釐金置酒購筆迹線車十丈牽
風鳶嘲哂萬乘等僚友凌轢閭貴隳豪權萬金不易一綢翼
雙腕肯逐羣兒羶雪坡王孫虎頭裔家在麟閣官貂蟬五花
當御本神駿十眉列屋多便娟睡棄玉食解金勒折節力與
寒士粉墨爭精研陰符黃石自神授戲揮魚鳥驅雲煙雷霆
戰鬪寂不瞬猛氣獨注秋毫顛真人寓物不留物況狗流俗
隨媼妍年深物化形影在筆蹤蒼硬丰神全雲孫小侯富文
彩王詵曹霸知誰賢維揚五月溽如煮玉面初啟神凜然雪
山星河忽照耀滿堂驚瀑聞寒泉魂搖色動意輕舉令我欲
化乘風仙河陽郭熙舊寶愛但恨未覩僧巨然何由筌瓦示
此本營邱洪谷置我前平生愛畫苦入骨無緣藏乞空流涎

解衣作歌自盤礴歸臥憊園終殘年

由廣陵登金山訪一雨師不遇同宋比玉和蘇長公韻

感舊

東坡遊金山寺

迷目百日淮陽塵振衣濯髮思江海金山不見元長老幸有
同心嘯歌在此山得名緣頭陀至今遺洞淩洪波江流巖石
縱不改人間歲月元無多我初兒童鼓輕楫俛仰光陰如一
日江雲自作鬢絲變落日暫借衰顏赤起看太白迷殘魄月
兔旋驅日烏黑悠悠大事何時明山石點頭還解驚山中往
來舊相識冉冉相尋成異物彈琴把酒向此山山石應笑山
人頑勞生百年無窮已撫影悲歌淚如水

虎邱僧房夏夜試茶歌

深林纖纖月欲沒坐久明星爛於月正無微籟生虛空忽有
幽香來醲醇未須涓滴潤喉吻已覺煩憚清肌骨泉新火活
妙指淪風味難言空約畧芳蘭出林露初泣寒梅吐韻日猶
薄洞山標格稍云峻龍井旖旎徒嫌弱淨名妙香自無盡天
女散花仍不著世人耳食喧茶經此山尤物遭天刑鎖園鈴
柝亂烏雀把火敲朴驚山靈空煩採括到泥土豈有烹噉分
涓澠鄰房藏乞自封裏色敵翠羽疑空青庭間夜寂客亦韻
潛解綠簪開芳馨期與枯腸洗藜苲肯爲世味充糧腥

孫士徵甘露僧房話舊

雪中分手地亦在暮江邊栖泊長如此心期共渺然落帆千
步柳到寺一聲蟬爲掃清谿石還家與醉眠

送士微有寄

新水催離棹春風憶敝廬三江生筍候一雨落梅初山驛興
衝鳥淞城卧食魚琵琶花下過爲訪閉門居

秋晚同張二丈唐四兄步屨城南張園

南郭浮陰覆女牆沿郊落木映江鄉新晴空翠生衣潤傍晚
寒風洒袂涼鳥下疏簾碁局散波搖虛壁淨琴張柴門相送
餘花在月色村沙引興長

過唐正叔僧房

古寺頽簷覆短牆憐君地僻懶衣裳空庭苔色從僧破冷鏗
茶煙對客颺橋外春泥猶有迹窗間寒竹不成行興闕白日
忘歸緩看劍攤書正滿床

東林寺雨中張次孫丈話舊

憶昨南徐官舍東江心遙夜與君同重看焦嶺終宵月卻話
松寥微曉風病眼向梅空脈脈旅愁兼雪太忽忽可憐襖被
尋君處暝雨寒煙野寺中

再過婁上看桃花卽事與伎

吳船銀燭豔青蛾桃滿婁江樂事多遲日纔開妝面鏡曉風
先動舞衫羅歡心宛轉流鶯說酒態妖嬈細馬馱歸路春光
牽宿醉穿花鬪草奈君何

歲暮懷孫履和李茂修

故人不見歲將窮臨別風煙在眼中嶽院夜眠春澗雨蒲樓
寒醉雪山風溪南郵使明朝發江北來帆二月通廿載東橋

月金名四
歌酒伴他鄉殘臘夢應同

寄莊將軍

三
個榻書廊卧夕曛興來吟嘯每過君梅殘燭燼疏窗雨雪互
香濃小閣雲茶作松風先破睡墨添山氣待微醺自從一別
蓮花府月下筇簫憶共聞

題長蘅次醉閣

爲愛檀園開北閣兩回三宿小房櫺坐深山洞香燈焰睡美
疏櫺曉日烘白拂花飛方丈雨素屏灘響一床風但名次醉
猶嫌俗合作禪栖住遠公

木末亭

聚寶山連梅子岡荒亭落木正蒼蒼煙霜東北歸舟驚江路

西南去鳥長有客登臺還抱病何人送遠不懷鄉含情莫值
秋冬際欲採芙蓉枉斷腸

將參雲栖漫述

飄零短髮不勝簪長掩蘿齋傍一龕春後禪栖三竺外夢中
田舍五湖南煙霞癖在終何事土木形殘祇不堪明日藍輿
容載酒雙眉入社欲懷慙

送聞上人張伯美之餘杭

一往千峯不可攀歸心已折復離顏禪過月白湖心夜畫處
雲青天目山松度眾谿時謾謾泉經深竹更潺潺應憐春盡
還多夢風雨江城獨掩關

春盡

老惜光陰併日遊及看春盡恨悠悠已拚濃豔隨黃土轉覺
歡娛惱白頭蘭葉醉痕沾舊扇燭花紅淚在空樓不因千里
傷春目領斷江南一味愁

泛舟法海寺登觀音閣望金山懷子柔京口

小櫓輕橈度淺灣霜林蕭閣出煙鬢野風颯颯帆移浦江岸
戔戔塔表山一水相望如可接片雲無意杳難攀殘崖尙有
殘碑在儻繫高人興盡還

送唐正叔遊白門寄蘊暉上人

矮閣聽詩酒未歸去年雨脚亂深簷小舟送客不成醉一夜
霜根上短髯梅水白侵吳岫闕蘆洲青斷攝山尖落帆好載
中泠碧寄語僧寮夢道潛

再集姚丈鷺羣閣

得攀高閣問鷺羣每醉春陰話夕曛樹對一枝庾嶺雪峯移
幾片洞庭雲西堂夢草初成句南郭馳煙舊勒文別後思君
期命駕梁間懸榻許仍分

繆太質移居閭門招飲作

參差羣籟總空寥老去何心學避羣山水自隨陶峴舫土風
猶近伯通橋口如衙轡終須壯身比虛舟詎厭飄但說飲醇
吾便醉更無宿物對君燒

秋日同叔達過侯氏郊居

芙蓉歲歲老江干重過花蹊憶故歡邀艇樵風生鶴渚到門
秋水落漁竿幽人茅屋穿叢桂狎客芳尊薦紫蘭還往倒衣

兼岸幘不教童稚識衣冠

文湛持宮允仲春初度

長洲花鳥媚芳辰
竹隴松關近接鄰
時解銀魚留法席
早通金馬冠
詞臣兩朝供奉生
黃髮一疏江湖縱
巨鱗他日殿廷
眞漢相遠夷驚問
鬢毛新

憶金陵雜題畫扇

秋陰殢客思騰騰
木末荒臺盡日登
誰信到家翻憶遠
雨齋含墨畫金陵

最憶西風長板橋
笛床禪閣雨蕭蕭
只今畫裏猶知處
一抹寒煙似六朝

青門楊柳白門烏
秋雨秋陰舊酒壚
何處蘼蕪長相憶
纔絲

風雨暗西湖

雨中遊寶石山題畫

峯搖白雨水拖藍萬木含風綠正酣記得松毛初泊日破船
撐笠過湖南

許倣韋白下寄丙午所畫秦淮秋雨索題

六年光景未題詩畫得如塵似夢時斷雨濕雲休細看看時
容易鬢成絲

題江沙落木

殘夢依依見六橋斷蓬飛蘂正無聊只看沙渚縈紆處曾倚
青林送暮潮

七夕同受之坐雨偶吮墨作中峯夜雨因憶拂水山居

舊事漫書口號

洞門澗戶隱潺潺洗竹搽松倒看山畫出草堂雲水裏無端
幽事極相關

登樓

少小聽歌怕唱愁一聲楚尾與吳頭如今身在傷心地但見
春光莫上樓

李流芳

六首

流芳字長蘅嘉定人萬厯丙午舉人有檀園集十五
卷

容臺集長蘅以山水擅長其寫生又有別趣出入宋
元逸氣飛動庚子消夏記長蘅長於詩文畫乃其餘事畧爲點染
卽靈噴欲絕

列朝詩集長蘅性好佳山水中歲於西湖尤數詩酒
筆墨淋漓揮灑山僧榜人相與款曲輒語間持絹素
請乞忻然應之書法規撫東坡畫出入元人尤好吳
仲圭其於詩信筆輪寫天真爛然其持擇在斜川香
山之閒晚尤遜志古人草書杜白劉蘇諸家詩至數
十巨册故於詩律益細

無聲詩史長蘅寫山水清標映發墨蘊淋漓名士風
流宛然筆墨之外會於西湖法相寺之竹閣寫山水
四堵尤為奇秀萬歷間雪漁何震以印章著稱長蘅
戲為之遂與方駕真敏而多能者也

居易錄牧齋喜李長蘅詩穀城山好青如黛勝縣花
開白似銀予亦愛之惜全篇不稱別有東阿道中一
首云騰騰兀兀逐塵行忽似春山為解醒高下欲隨
人境繞逶迤偏覺馬蹏輕誰教柳色絳絳映不分梨

花處處生愛煞穀城山下路風光況復是清明又勝
縣道中云山欲開雲柳乍風杜梨花白小桃紅三年

三月官橋路策蹇經過似夢中風調頗佳

明詩別裁嘉定四君中以檀園為上雖漸染習氣而
風骨自高不能掩其真性靈也

山靜居畫論長蘅古情逸思筆墨閒張可殿畫禪一

軍所遜者畫禪特有醞醞耳

田按長蘅貌似譚友夏友夏贈詩云他年誰後死優

孟免躡躡長禱亦贈友夏詩云誰云譚郎貌似我執手問人還似無寸心明白已如此區區形似終模糊又與袁小修鍾伯敬遊故其詩未免爲楚咻所奪今錄其不隨彼法者五言特清迥山塵

登慈雲嶺還訪嚴印持忍公無敕鄒孟陽聞子將於南

山小築信宿爲子將題畫作

慈雲何盤盤崑崙羅眾致白石如疊浪青林若簪髻落日宜
遠山況與秋爽會憶昨湖上亭解后多意氣感君十年心發
我千里思江山日待人哭兀爲我輩從來賈夢寐到此煩應
對寄懷鬱種種筆墨差遠寄披襟欲嗒然相與尋冥契

登銅井訪三乘上人

盤礴銅井道舊遊記平樾褰衣出木杪坐覺耳目豁半嶺界
湖光眾山爭出沒湖天西北寬山勢東南市莫釐與縹緲相

望何巖築指顧煙雲間可以一葦截山頭石參參厯亂如積
雪俯視千林花上下同一潔山僧出迎我問姓始相識誰言
三度遊已作七年別當時同遊者眼中異存歿山川閱來往
笑我老日月悠悠且宅人何乃爲化恒終當離有漏就此得
真歇

東阿道中

客舍東南隅西山眺望間朝見積雪斑暮見落日殷平生愛
山心對之了不關今朝穀城下春水始一灣麥畦綠照眼上
有青螺鬟忽如逢故人一笑開襟顏山水只如此值我歸興
閒歸亦有何好試問此青山

渡江遭風幾覆泊潤州閘口同子將步至北固山後禮

觀音洞觀石壁

十年渡揚子狎此如衽席今始識風波呼吸投不測舉世皆
駭機避就本無益不死亦偶然餘生真可惜不然此春光遂
與成永隔出險心已夷聊共子遊息望中指北固沿溪花的
的言詣山之陰仰觀快奇壁偉哉鐵柱峯嵒岬疑斧劈傍有
納子居幽洞秘丹碧洞中少寒暑龕燈伴朝夕嗟余風波民
何由得此適幸已脫魚腹復爾耽旦宅稽首禮大悲終然度
苦厄

黃河九日寄懷家中兄弟

江路寒仍晚重陽候未回遙知新酒熟不待菊花開郊北秋
宜眺村東客好來河流向天際難寬一登臺

靈隱次穎法師韻

往來白雲社坐卧丹楓林齋飯經未罷應門僧屢尋出寺不
覺遠向山情轉深前溪正落日去住本無心

雙堅

五首

堅字子柔嘉定人貢生有吳歛小草十卷

四庫總目堅早從歸有光遊明史文苑附載有光傳中
明之末造太倉厯下餘骸猶張公安竟陵新聲屢變
文章衰微莫甚斯時堅以鄉曲儒生獨能支柱頽瀾
延古文之一脈亦可謂永嘉之末得聞正始之音矣
列朝詩集子柔經明行修學者推為大師其師友皆
出震川之門傳道其流風遺書以教授學者師承議
論在元和慶厯之間箴砭俗學抉擿謬從容更僕
具有條理衣冠修然容止整暇書法妙天下風日晴
美筆墨精良方欣然染翰不受促迫與唐叔達程孟
陽為練川三老

靜志居詩話練川三老子柔古風獨勝
田按子柔傳震川之學薄元美輩為庸妄鉅子雖與

元美之子周伯遊不能諱其失也吳歛小草長於古
體刊落浮囂語多造微近體絕句時流淺易蓋其所
心摹力追者白樂天一流而才不足以濟之有真率
而無興趣質勝則野其弊然也

遊靈谷寺早發龍潭

朝憐山氣爽日午因煩歎一望松陰深散步不覺遙卻如沂
江來卧聞喧夜潮汲井漱清冷山僧出招邀高殿若巖壑無
風自漻漻我懷塔中人千載依雲霄誰爲捨宅者策蹇時山
椒賢達古如此臨風託長謠

夏日屏居瑯琊東莊承辰玉書懷柱寄有答

人生賢愚分乃在勞逸情烈士多苦心焉能偷自營
茲多懷安實敗名燕雀爾何樂堂高亦易傾我賤擇所便自
顧鵲鵲輕欽子懷百憂所以揚德聲

贈別李長蘅

吾聞倜儻人邁往意不屑當其未遇時吐論必軒豁及乎施
之用要令頑鄙恒名迹豈不然昭昭揭日月所以貴聞道章
光戒太泄出口淡無味功成視猶軌竇然務內觀泊然輕外
物皮毛脫落盡然後見真骨嗟子妙言語況茲壯齒髮歸依
老律師久已斷葷血被服與俗同冥心契禪悅行當赴功名
千里坐超忽眷言平生親解攜在明發吾衰就日損將何申
贈別林士願多奢行人事每節毋以不磷緇輕用試磨涅
閒居感懷追憶金後愚翁慨焉成篇

鄉人不畏吏乃畏王彥方所以愧其心豈不在居常憶昨里
中翁口不挂否臧逵巡若處子接物惟恐傷其人雖已沒其

行久彌芳薄俗吁可怪役智紛攘攘豈復畏長者但矜爪距
強翁乎幸不見見之熱中腸

讀書聖像禪寺

日余謝塵囂來信幽賞野寺灌莽中閒居闌虛敞涼風生
庭除秋氣一何爽頗從禪誦餘慧性得開朗卽理理自如隨
緣緣自往無爲礙諸有時入顛倒想

唐時升

九首

時升字叔達嘉定人有三易齋集二十卷

緱山集叔達五言古高閑遠淡以方儲韋不啻過之
七言古步驟老杜乃專肖其神情五七言律出入王
右丞劉隨州間
列朝詩集叔達詩皆放筆而成語不加點用方寸紙
雜寫如塗鴉旋即棄去遇其得意才情賤發雖苦吟
腐豪之士無以加也

田按叔達五古擬陶時有佳境近體絕句軒豁中微少涵蓄收斂所謂放筆而成蓋親見之竹垞疑其有意軒輊非篤論也

和陶飲酒三首

日久擁羣籍里巷如空山偶逢會心處思與古人去已遠近者乃千年不如營一醉妙理默已傳

避焚于水溪避溺于山隅此計未必然憂患實多途前爲榮貴引後有貧賤驅所以達者心止足不願餘伸蔚今何歸吾欲從之居

少小慕長生茫茫無所得真人不可遇經訣轉生惑百千啟旁門嘗恐大道塞治生貴不煩清靜如治國立聖有遺誠萬事不如默

和陶雜詩

大海一浮漚世界一浮塵何異六合間置此七尺身百年若
一夢戀戀此六親正如逆旅中殷勤會四鄰離合難爲常匪
夕惟伊晨愚者勿復道嗟彼英雄人

題張果仙人入海圖贈善琵琶者

白驢蹀躞凌波濤奚奴追攀泣且號問君何事欲入海人世
紛紛如蜩毛海濱有客見圖畫笑道此翁大狡猾人間何處
不徇祥君自胸中多薈芥吳中冬月秫酒香繁絃急管日在
旁少年私來學犯調長夜獨坐彈清商眼前歡笑足老矣豈
必避世逃滄浪迴君嚮勸君酌我有鳳槽鴈雞索請君一奏
走馬雁兒落

太原公東園

累日厭人事殘春憐物華
鼉觴來別墅菜麥散晴沙
鳥語對橋竹魚啣臨水花
老思棲隱處真欲問東家

大內

雙闕晴雲紫翠重中天樓閣繡芙蓉
金階窈窕留仙仗玉几清嚴奉御容
青瑣閉來煙樹合翠華臨處露花濃
不須對此生惆悵豐鎬元爲萬國宗

過陶真人故居

世皇中歲好神仙方士承恩玉几前
特賜珠宮開甲第頻分寶膳供經筵
馬肝食後留精舍牛腹書存刻墓田
寂寞鼎湖松檜色經過此地一潸然

秋夜懷人

平蕪見月自生愁
虛度清光夜夜秋
最憶西園絲竹裏
紫衣紅拂唱梁州

明詩紀事

貴陽陳田輯

庚籤

袁宗道 二首

宗道字伯修公安人萬歷丙戌進士改庶吉士授編修歷中允洗馬庶子贈禮部侍郎有白蘇齋集二十

二卷

列朝詩集伯修在詞垣當王李詞章盛行之日獨與同館黃昭素厭薄俗學力排假借盜竊之失於唐好香山於宋好眉山名其齋曰白蘇所以自別於時流其才或不逮二仲而公安一派實自伯修發之靜志居詩話伯修服習香山眉山之結撰首以白蘇名齋既導其源中郎小修繼之益揚其波由是公安流派盛行然白蘇各有神采顧乃類波自放舍其高潔專尚鄙俚鍾譚從而再變梟音歇舌風雅蕩然泗

庚籤卷五

一

鼎將沈魑魅齊見言作俑者孰謂非伯修也耶
田按伯修深入禪理興趣蕭遠詩特寄耳其同人讀
唐詩有感云數卷陳言達字新眼前君是賞音人家
家楨玉誰知齊處處描龍總忌眞再捨肉黥居易句
重捐金鑄浪仙身一從馬冀危言出難沈詩家入骨
塵意在翻王李窠日中郎小修從而煽之遂令天下
靡然從風亦伯修所不及料

食魚筍

竹筍眞如土江魚不論錢百年容我飽萬事讓人先交態歸
方識冰心老自堅雨窗歌綠樹宜醉更宜眠

春日閒居

不才敢擬子雲立索米金門又一年風味漸隨雙蠶減天真
猶仗一樽全破冰滴硯農鋤易埽地安單夜坐禪閒洗磁瓶
烹芥茗故人新寄玉山泉

袁宏道 十九首

宏道字中郎宗道弟萬歷壬辰進士除吳縣知縣改
順天教授歷國子博士禮部主事改吏部歷員外郎
中有敝篋集二卷錦帆集四卷解脫集四卷瓶花齋
集十卷瀟碧堂集二十卷廣陵集一卷破研齋集三
卷華嵩遊草二卷桃源詠一卷

四庫總目明自三楊倡臺閣之體選相摹仿日就庸腐
李夢陽何景明起而變之李攀龍王世貞繼而和之
前後七子遂以仿漢摹唐轉移一代之風氣迫其末
流漸成偽體塗澤字句鉤棘篇章萬喙一音陳因生
厭於是公安三袁又從而排抵之其詩文變板重爲
輕巧變粉飾爲本色致天下耳目一新又復靡然而
從之然七子猶根於學問三袁則惟恃聰明學七子
者不過贗古學三袁者乃至矜其小慧破律而壞度
名爲救七子之敝而敝又甚焉
袁中道珂雪齋集中郎詩文如錦帆解脫意在破人

之執縛才高膽大無心於世之毀譽聊抒其意之所
欲言耳或快爽之極浮而不沈情景太真迫而不遠
而出自靈竅寫于銛穎蕭蕭冷冷足以蕩滌塵情消
除熱惱一二學語者流取中郎率易之語效顰學步
其究爲俗俚爲纖巧爲莽蕩烏焉三寫必至之弊豈
中郎之本旨哉與袁中郎談詩其攻王李頗甚口而
野獲編中偶案上乃其新詩稿持問余曰此僕近
詈于麟尤苦偶案上乃其新詩稿持問余曰此僕近
作何語爲佳子拈其間蟬二語云琴瑟高山調詩中
瘦島吟最用工并其鄴中懷古一聯云殘粉迎新帝妖
魂逐小郎用事豁化前人未有但結聯曹家兄弟好
無乃太瀟荒忽講道理近於呆腐袁笑謂子賞音
明詩選李舒章曰中郎淺俗有元白之風
列朝詩集萬應中王李之學甚行黃茅白葦彌望
皆是文長義仍軒然有異沈痼滋蔓未克芟蕪中郎
以通明之資學禪於李龍湖讀書論詩橫說豎說心
眼明而膽力放於是乃昌言擊排大放厥辭以爲唐
自蘇詩不必選體也初盛中晚皆有詩不必初盛也
歐蘇陳黃各有詩不必唐也唐人詩無論工不工
第取讀之其色鮮妍如且晚脫筆研者今人之詩雖
工拾人釘鏝離筆研已成陳言死句矣唐人干巖
而新今人脫手而舊豈非流之性靈與出自剽擬者

所從來異乎空同未免爲工部奴僕空同以下皆重
僂也論吳中之詩謂先輩之詩人自爲家不害其爲
可傳而詆訶慶厯以後沿襲王李二家之詩中耶之
論出王李之雲霧一掃天下之文人才士始知疏淪
心靈搜剔慧性以蕩滌羣擬塗澤之病其功偉矣機
鋒側出矯枉過正於是狂瞽交煽鄙俚公行雅故滅
裂風華埽地竟陵代起以洩清幽獨矯之而海內之
風氣復大變譬之有病於此邪氣受傷則別症生焉北
承氣湯下之然輸寫太利元氣受傷則別症生焉北
地濟南結轡之餘邪氣也公安瀉下之劫藥也竟陵傳
染之別症也餘分閭閻氣其與幾何慶厯以下詩道三
變而歸於淩夷燔熄豈細故哉何慶厯以下詩道三
沈德潛說詩晬語王李旣興輔翼之者病在沿襲雷
同攻擊之者又病在翻新吊詭一變爲袁中耶之談
諧再襲爲鍾譚之儻三變爲陳仲醇程孟陽之纖
佻迴視嘉靖諸子又古民之三疾矣
龍性堂詩話中耶矯枉初盛終落元白後塵
靜志居詩話中耶集中俳諧調笑之語如西湖云一
日湖上行一日湖上坐一日湖上住一日湖上卧偶
見白髮云無端見白髮欲哭翻成笑自喜笑中意一
笑又一跳此本滑稽之談類入於狂言不自以爲詩
者乃錫山華閒修選明詩從而擊賞歎絕是何異棄

蘇合之香取蛸蛸之轉邪
田按中郎才調殊絕錦帆解脫不離綺語瀟碧破研
自矜擺脫塵囂獨臻妙境譬之么絃側調可以適獨
坐不可以登清廟明堂至狂言等作幾於下里之曲
矣

宿千像寺東鍾刺史

詰曲欹嶇路皺秀透瘦石飛巖繡鐵花螺子點雲額平生米
南宮耽幽窮鬼跡石根搜古雲踏遍秋空碧豁眼見新巒長
笑落巾幘貪看不知晚懸石布茵席回首神仙吏青嶂達門
闕侍吏朝焚香秋雲幾同白稜稜怪石供聊以施遊客

古荆篇

年年三月飛桃花楚王宮裏鬬繁華雲連蜀道三千里柳拂
江堤十萬家丹樓繡幌巢飛燕青閣文窗起睡鴉鴉歸燕語

等閒度不記江城春早暮東風香吐合歡花落日鳥嘯相思
樹王孫挾彈郢門西少年借客章臺路少年矯矯名都兒雕
鞍朱勒黃金羈採桑陌上青絲籠紅粉樓中白紵辭白紵綠
水爲君起青春環珮如流水東城絲管接西城相府豪華壓
朱邸俠客飛鷹古道傍佳人買笑垂楊裏垂楊二月憶朱樓
家家宴喜樓上頭禁鳥喧闐朝送酒管絃嘈雜夜藏鉤繁絃
急管夜初闌惜花少女怨春殘桃花濫濫歌成血蘭炷漫漫
火送寒曉風楊柳萋萋浦秋月梧桐金井欄秋月春花無斷
絕門前郁李九迴折願作陽臺雨後雲誰憐洛水風中雪陽
臺洛水夢空長那似倡家玳瑁床選得東家佳姊妹卻延西
第好兒郎織成錦席迷蝴蝶種得青梧棲鳳凰遊人戀戀無

窮已踏遍江城春萬里只解賓從集似雲那惜年光去如矢
花開花落迴生愁郢樹鄢雲幾度秋霍氏功名成夢寐梁王
臺館空山邱榮枯翻覆竟何言昨宵弱水今崑崙無人更哭
西州路有雀還登翟氏門漢恩何淺天何薄百年冠帶坐蕭
索昔時噓氣成煙雲今朝失勢委泥礫青娥皓齒嫁何人金
床玉几爲誰作已矣哉歸去來楚國非無寶荆山空有哀君
看白雪陽春調千載還推作賦才

明詩選陳卧子曰石公才情本自流麗此篇似刺江陵而作

田按此詩不徒刺江陵兼爲遜王作也遜王事見甲

鐵及弇州江陵伎篇

春曉曲

蘭燈藥綻白光殘隔花呼起夜歌鸞琵琶轉捩嬌無力博山

欲炷龍腦寒眉稍散黛重重撥額角輕黃正正安侍兒不語
流鶯語海棠沈睡赤闌干

偶題

得句題蕉葉裁冠費筍皮宦情三不可禪理百無知野館繁
花子晴窗語燕兒謝安何小草相業僅能春

憩法相

峯脚微微仄簷梢个个清聽鐘龍懺悔入室虎經行輟筆和
泥重頭茶帶紙輕山僧談往事一倍惜塵情

送雪照還吳

洗鉢焚鈔去瞻雲倚棹歌離鄉吳語變入咏楚騷多五老峯
頭瀑三江雪後波毯衣櫻筍子袖手看嵯峨

月宮先生
黃竹石入都匆匆告去筵上作詩爲別

北闕何曾過西山亦未登袖中無半刺餐上有層冰夢入沖
煙鶴書詢過海僧省廬真似水知汝不求丞

龍潭

孤舟千里訪羅壘蹤迹深潛古石潭天下豈容知已二百年
眞上洞山三雲埋龜嶺平如障水落龍宮湛似藍愛得芝佛
好眉宇六時僧衆禮和南

別王百穀

河上清霜雁字斜西風匹馬又天涯錦帆徑遶郎官舍冠子
橋通處士家好事每供梅月水清齋長試穀前茶東鄰不是
無姝子眼底何人解浣紗

暮春同謝生汪生小修遊北城臨水諸寺至德勝橋水
軒待月時微有風沙

一曲池臺半晚花
遠山如髻隔層紗
南人作客多親水
北地無春不苦沙
熟馬慣行溪柳路
山僧解點密雲茶
滿川澄月千條柳
踏踏蒼波過幾家

柳浪館

徧將藍縷浸春顏
風柳鬢鬢九尺鬟
鶴過幾回沈影去
僧來時復帶雲還
閒疏滯葉通鄰水
擬典荒居作小山
欲住維摩容得否
湖亭纔得兩三間

寄黃平倩庶子

百年身世付疏頑
只在溪花浪柳間
已分髮毛捐白足
但憑

牙頰佞青山夢迴巴國雲千里書到峨眉翠幾灣龍不隱鱗
眞可恥漢陰抱甕省機關

暮春偕同署諸君子飲郭外

滑滑春流瀉縠紋嵐光映照石榴裙今朝只許談風月何日
相從問水雲細雨仁收山鳥喜亂畦行盡草花熏海棠枝底
烏紗側未覺飛觥到十分

暮春遊韋氏莊憶十二年前先伯修暨顧升伯李長卿
偕遊此地今伯修去世八年顧李新以言去潛然久
之

猶記天街白鼻驕出門長是踏風沙幾年夜雨慈恩寺十度
春風柰子花石火蒼忙思駐景灘流清淺夢移家東林法道

衰如許不見栽蓮謝永嘉

坐王章甫水明樓

漢陽

巒光設色淺深間萬瓦鱗鱗鑑碧灣孤塔自來當汭口高僧
相過說廬山常時杯底沈黃鶴每就堂中乳白鵬南北精藍
看比比蒲團纔得個人間

柳浪初正

旋除白髮號衰翁舊業今緣次第空山鳥仁聞新格磔峽僧
遙寄小玲瓏有僧寄山子坐消纖雨輕陰日閒踏疏黃淺碧風收
拾方橋與蘭槩待看紅萼慢流中

柳枝詞

江南柳絮已飛時河北垂楊未折枝一種青娥嬌眼女南家

月笛先王
嫁早北家邇

宿朱仙鎮

秋高夜鐸冷空庭草木猶疑戰鐵腥地下九哥今悔不六陵
花鳥哭冬青

擬宮詞

宜春苑裏日初斜三百妖童校麗華
蘇軾戎衣朱鬣馬不知
若個是官家

袁中道十首

中道字小修宏道弟萬曆丙辰進士授徽州教授遷
國子博士改南禮部主事歷郎中有珂雪齋集二十

四卷

袁宏道錦帆集小修詩文獨抒性靈不拘格套有時
情與景會頃刻千言如水東注其間有佳處亦有疵
處佳處自不必言即疵處亦多本色獨造語予則極
喜其疵處而所謂佳者尙不能不以粉飾蹈襲爲恨
以爲未脫近代文人氣習故也
列朝詩集小修詩有才子多之患
龍性堂詩話小修七言佳句如漢陽感舊云芳草偏
憐衡處土桃花不夢息夫人懷中郎云青山到處悲
王粲明月曾經照謝莊不第歸云相逢誰勝黃江夏
不死差強補正平
田按小修自序珂雪齋集云文法秦漢古詩法漢魏
近體法盛唐此詞家三尺也予敬佩焉而終不學之
非不學也盛唐此學也古人之意至而法即至焉先
有成法據於中勢必不能盡達吾意達吾意而或
不能盡合於古之法合者留不合者去則吾之意其
可達於言者有幾而吾之言其可傳於世者又有幾
故吾以爲斷不能學也姑抒吾意所欲言而已夫
古之人豈易言哉豈惟古人即本朝諸君子各有所
長成一家言敢自謂超乘而上之耶可謂有自知之
明惟伯修中郎之論先入爲主故其所作不脫輕佻
氣習子取其集中之近雅者存之即中郎所謂以粉
飾蹈襲爲恨者也

贈別詹淑正之晉陵赴吳采于之約

我向眞州作酒客日與詹生傾一石有時大叫復狂吟醉中
往往說夙昔當時長安好意氣袁絲爲兄灌夫弟飛蓋仁隨
墨士場鳴鞭又指金吾第天階明月淨如拭一人豪歌千人
嘿飛龍脫馬借來騎五陵年少看顏色大篆小篆信手塗一
礫一波好筆力白璧黃金取次來緩急猶能捐赤灰塵飛颺
起罷風流狺狺猛犬令人愁四明狂客還故邱身亦拂衣出
帝州楚水吳山作浪遊芙蓉爲帶女蘿裙贏得身閒似野雲
金管旣邀新賦客玉魚重送故將軍肝膽空自向人盡眼前
寂寞平原君花溪鹿床傍江村寒潮日夜打柴門市人不重
宜官祔衫上月餘無酒痕一字尋丈千字尺維揚賈子見不

擇婚嫁既逼少烏羊舉頭問我我無策晉陵吳郎吳季札舊
日與君稱莫逆好客滿堂獨憐君排山轉海應無惜有髯如
戟聲如鐘看來未必常困阨江水茫茫雲頭黑我欲挽留留
不得見君故人早言旋馬首遙遙予將北

昆陽

猶是南荆部經旬未出疆古祠銅馬帝疏樹伏龍岡沙起蒸
成霧蓬飛飽帶霜倒戈奔象兕大戰憶昆陽

高粱橋

覓寺休辭遠逢僧不厭多一泓春水疾十里柳風和香霧迷
車騎花枝耀綺羅半年塵土冒滌洗賴清波

游章臺寺同中郎傅仲執諸公

鼎沸人煙盡澄湖素練開雨清調馬路月上看花臺地僻千
哇菜僧貧一院苔鐘聲日暮起松梵有餘哀

寶林寺歲暮

姑蘇舊是少年場此地僧貧寺久荒野鳥仁來翻定水蒼苔
直欲上禪床且將白骨銷塵習未有黃金飾閑裝雨雨風風
催歲暮愁來獨自伴支郎

同臧願渚謝在杭秦京避暑天甯寺樹下

除卻閑行百事慵小童日抱一枰從乍看密樹疑深嶂偶度
危橋得好峯池水紋生涼瑟瑟火雲樹起幻重重經聲響處
尋聞土曲徑無人竹影濃

海淀李臧晚園

滿目塵沙塞路蹊夢魂久已憶山棲誰知煙水青溪曲只在
天都紫陌西鎮日浮舟穿柳澗有時調馬出花畦到來賓主
紛相失總似仙源徑易迷

枝江道中

楚國丹陽路未除峯巒斷處又平沙溪深不障爛斑石梅老
猶餘冷淡花水氣漾舟全似月山嵐收雨盡成霞風煙如此
今方到悔不從前細泛槎

曉溪

鷄關村市喧棹動曉星滅怪得夜衾寒推篷霜似雪

夜泉

山白鳥忽鳴石冷霜欲結流泉得月光化爲一溪雪

鍾惺 三首

惺字伯敬竟陵人萬曆庚戌進士授行人遷工部主事改南禮部進郎中出爲福建提學僉事有隱秀軒

集三十二卷

列朝詩集伯敬少負才藻有聲公車間推第之後思別出手眼另立幽深孤峭之宗以驅駕古人之上而
同里譚元春爲之應和世稱詩者靡然從之謂
之鍾譚體譬之春秋之執會盟之柄天下桓文不作宋襄
徐偃德涼力薄起而執會盟之柄天下桓文不作宋襄
伯也數年之後所撰古今詩歸盛行於世承學之士
家置一編奉之如尼邱之刪定而寡陋無稽錯繆疊
出猶知古學者咸能挾焚以攻其短詩歸出而鍾譚
之底蘊畢露溝洫之盈於乎涸然無餘地矣當其
剝獲之初亦營覃思苦心尋味古人之微言奧旨少
有一知半見掠影希光以求絕於時俗久之見目益
僻臆日餘粗舉古人之高文大篇鋪陳排比者以爲
繁蕪熟爛胥欲掃而刊之而惟其僻見之是師其所
謂深幽孤峭者如木客之清吟如幽獨君之冥語如

夢而入昆穴如幻而之鬼國浸淫三十餘年風移俗
易滔滔不返余嘗論近代之詩抉擿洗削以淒聲寒
魄爲致此鬼趣也尖新割剝以噍音促節爲能此兵
象也著見文章而國運從之豈亦五行志所謂詩妖
者乎
馬班鈍吟雜錄李何王李之論詩如貴胄子弟倚恃
門閥傲忽自大時時不會人情鍾譚如屠沽家兒時
有慧黠異乎雅流
古夫于亭雜錄鍾伯敬集中早朝詩云殘雪在簾如
落月輕煙半樹信柔風閑之不覺失笑如此措大寒
乞相乃欲周旋金華殿中將易千門萬戶爲茅茨土
階耶
田按伯敬苦心吟事雕鏤鏤削不遺餘力五古遊覽
之篇猶有佳作近體力矯王李之弊舍崇曠而入莽
榛薄亮音而矜細響所謂以小智破大道者也

經觀音巖

洞巖但如此今來較不同泉石稍差次遽覺心目通峯氣值
殘霽往往變蒼紅曲屈失故徑層深翻得窮向者攀援處乃

在頻視中安知所踰歷其下非嵌空何心覓前源徑盡忽以
逢水木發秋顙而非谷中風憫默觀因應悅焉如發蒙

城南古華嚴寺半就傾頽同一雨法師徐元歎陳磬生
往訪詩紀冥遊兼勸募復

六載秣陵人自許遊栖熟所愧城南寺前此未寓目懷新快
初至詢仰得前躅數里聲香中人我在空綠金碧感廢興林
軸增幽獨佛事寄花果僧意安水竹微雨灑新陽羣有俱膏
沐淨地不必言亦可備登矚先往勸同心靜者來相續庶借
奔悅情共爲信施勗

題范素容所作孟和蘭竹畫扇

南國多蘭竹風煙寫未眞沅湘魂一段消付管夫人

譚元春二首

元春字友夏竟陵人天啟丁卯舉人有嶽歸堂集十

卷

列朝詩集友夏之才力薄於鍾其學殖尤淺謝少翬甚以爲俚率爲清真以僻澁爲幽峭作似了不了之語以爲意表之言不知求深而彌淺寫可解不可解之景以爲物外之象不知求新而轉陳無字不啞無句不謔無一篇章不破碎斷落一言之內意義違反如隔燕吳數行之中詞旨蒙晦莫辨阡陌原其初豈無一知半解游光掠影居然訓文外獨絕妙處不傳不自知其識之墮於魔而趣之沈於鬼也田按友夏樂府可謂刻畫無鹽近體與鍾同趣而不如鍾尚多雋句可採

閱西京雜記

青青漢文陵杳杳商湯邱高識破今惑遠覽欽前修南山誠有隙石槲詎良謀唾壺玉蟾蜍空復爲人留屏間列雲母林

上列憫骸枕藉錯男女暴露多王侯黃霧宣繁冤白狐起相
訾傷哉瓦礫人而亦罹厥憂厚葬愚復愚薄葬空慮周所以
賢達士但保生無愁能逃廣川虐終爲來者摻

讀陶詩詩爲魯文恪手錄

陶詩淡如此微雲沈古潭密奧了無際冥冥真氣參高非由
簞瓢趣豈關沈酣素而不近枯心聲如可探我欽鄉先達已
深躁銳漸想其寫此帙清風吹茅廬